



Fama Postvma Praesvlvm Antverpiensivm

Hugo, Hermann

Antverpiae, 1611

Reverendissimo Antverpiensivm Præsvli Ioanni Maldero Plavsvs.

[urn:nbn:de:hbz:466:1-69073](#)

te encomia onerare videntur. Veniet
illud tempus, cum se, post fata, ma-
gnis chartis virtus tua sinet celebrari.
hos tamen lubens etiam nunc titulos
patiaris.

REVERENDISSIMO
ANTVERPIENSIVM PRÆSVLI
IOANNI MALDERO
PLAVSVS.

QValis, Atlantei cum succubuere lacerti
Æde fatigati superâ, cœlique prementis
Fondere, stelliparo successit strenuus orbi
Amphitryoniades, paribusque innisa polorum
Atria, pendentesque tulit ceruicibus axes;
Heu! viduas sedes, & desolata precantis
Aduatica MALDERE subi molimina vitta.
Tot proauum cessere manus, non mole tiara,
Non grauido sacri lassata robore sceptri:
Sed quos atra dies, quos irrevocabile stamen
Abstulit, & solito leti violentia casu:
Dum cunctis illæsa fides, virtusque supremo
Fine vigil, mediisque etiamnum in morte superstes.
At modo quem vacua deceant insignia vitta
Lumina? sufficient tantis quæ pectora curis?
Te sacris mundi studiis calique vacantem,

Te

Te MALDERE vocat, tete complexa potestas
 Euehit, & dignum meritis imponit habenis.
 Incola te mentis probitas, pietasque per omnes
 Dispensata fibras, magna ad fastigia ducunt,
 Inuitumque petens circum vestigat & altis
 Ornat honor titulis. Sic te testatur & offert
 Celsa potestatis species, quae culmina rerum
 Scandat, & immensa non fidat mole corona.
 Ergo veni MALDERE, pares extolle lacertos,
 Tolle pares oneri vires : te debita mitra
 Serta vocant. succede novo, succede labori,
Quem facilem præstabit amor virtutis, & acri
 Canicies animi imperio moderabitur equo.
 O venient, venient (utinam post facula mille
 Mille senis Pyli) venient o tempora, cum te
 Herculeos inter proceres, atque inter Atlantas
 Aduaticos, altâ tacite cum voce loquentur
 Et tua victurae celebrabunt nomina chartæ.

Iacobus de Cater.



QVEM-